



Amorebieta-Etxanoko Udala  
Bizkaia

## Saila: HIRIGINTZA

Espediente zk.: 14-2209

### IBILGAILUAK TXANDAKA APARKATZEKO APARKALEKU PUBLIKOEN ERABILERA ARAUTZEN DUEN ORDENANTZA

#### I.- ZIOEN AZALPENA

Trafiko, motordun ibilgailuen zirkulazio eta bide segurtasunari buruzko Legearen testu artikulatua onartzen duen 339/1990 Errege Dekretu Legegileak 7.b) art.an udalerriei ematen die bide eta hiri guneen erabilera arautzeko eskuduntza Zirkulazioari buruzko Udal Ordenantzaren bidez, bateragarri eginez erabiltzaile guztien artean aparkalekuen bidezko banaketa, ibilgailuen beharrezko arintasuna, kaleak oinezkoek erabiltzea eta denbora mugatuan aparkatzeko neurriak ezartzea aparkalekuen errotazioa bermatzeko.

Bere eskuduntzen esparruan, Amorebieta-Etxanoko Udalak egokia dela uste du herrian gune batzuk ezartzea aparkaleku publiko bezala erabiltzeko eta herritarrek beraien txandakako sistema bidez erabiltzeko aukera izan dezatela, horretarako ibilgailuak aparkatuta egon daitezkeen gehienezko denbora mugatuz.

Guzti horregatik, Ordenantza honek aparkaleku publiko horiek erabiltzeko baldintzak arautzen ditu ibilgailuen txandakatzeko ordenatu eta arrazional bat lortzeko, aparkatzeko guneen erabilera bidezko bat optimizatzea ahalbideratzen duena, ezarritako erabilera arauak betetzen ez dituzten erabiltzaile haientzat zigor neurriak ezarriz.

#### II.- XEDAPEN OROKORRAK

##### 1. artikulua.- Ordenantzaren xedea.

Ordenantza honen xedea aparkaleku publikoen erabilera arautzea da, Amorebieta-Etxanon daudenak eta 3.500 kg.ra arteko ibilgailuak txandakako sistema bidez aparkatzeko erabiltzen direnak.

Nafarroa Zentroaren azpian dagoen aparkaleku publikoaren kasuan, pisuari dagokion murrizketaz gain, ibilgailuek ezin izango dute 1,80 m-ko altuera gainditu.

##### 2. artikulua.- Aplikazio eremua.

Ordenantza hau Amorebieta-Etxanoko ondoko aparkaleku publikoei aplikatuko zaie:



**Amorebieta-Etxanoko Udala  
Bizkaia**

- 1.- “B” egitaritze-unitateko (Ixer) Udalaren lursailetan dagoen aparkaleku publikoa.
- 2.- Nafarroa Zentroaren azpian dagoen aparkaleku publikoa. (Zubiondo aparkalekua bezala ere ezagutzen dena).

Txandakatze sistema bidezko aparkaleku publikoak mugatu eta adierazteko dagokion seinaleztapen horizontala eta bertikala erabiliko da

Alkatetza Dekretu bidez, txandakatze sistema darabilten aparkaleku berriak zehaztu ahal izango dira, aldez aurretik teknikari eskudunen txostenak beharko direlarik eta horren berri emanez Udalbatzako Osoko Bilkurari.

### **3. artikulua.- Aparkaleku publikoetan aparkatzeko gehienezko denboraren muga ze egun eta ordutan indarrean egongo den.**

Aurreko artikuluan adierazitako aparkaleku publikoak txandakatze sistema erabiliz aparkatutako ibilgailuei zuzenduta egongo dira, ondoko egunetan eta adierazten den ordutegian:

- 1.- “B” egitaritze-unitateko (Ixer) Udalaren lursailetan dagoen aparkaleku publikoa.

- Astelehenetik ostiralera: 07:00etatik 18:00etara.
- Larunbatetan 07:00etatik 15:00etara.
- Astelehenetik ostiralera: 18:00etatik hurrengo eguneko 07:00ak arte, txandakatu beharrik gabe aparkatu ahal izango da eta ez da sarrera kontrolatuko.
- Igandeetan 15:00etatik asteleheneko 07:00ak arte txandakatu beharrik gabe aparkatu ahal izango da eta ez da sarrera kontrolatuko.

- 2.- Nafarroa Zentroaren azpian dagoen aparkaleku publikoa (Zubiondo aparkalekua bezala ere ezagutzen dena).

- Astelehenetik igandera: 07:00etatik 22:00etara.
- Astelehenetik igandera: 22:00etatik hurrengo eguneko 07:00etara itxita egongo da

Alkatetza Dekretu bidez, unean unean, eten, aldatu edo handitu egin ahal izango da aipatu ordutegia segurtasun arrazoiengatik, obra edo interes publikoarengatik, kultur eta kirol ekintzengatik, etab., horren berri emanez Udalbatzako Osoko Bilkurari.

### **4. artikulua.- Ibilgailuak aparkatuta egon daitezkeen gehienezko denbora mugatzea.**



**Amorebieta-Etxanoko Udala  
Bizkaia**

Txandakatze sistema bidezko aparkaleku publikoetan, ibilgailu bat gehenez ere hiru (3) orduz aparkatuta egon ahal izango da. Hiru ordu hauek banatu ahal izango dira itxi aurretik eta hurrengo egunean zabaltzerakoan.

Hiru (3) orduko epea igaro ondoren, ezin izango da ibilgailua berriro aparkaleku publikoan aparkatu ordu bi (2) igaro arte eta ezin izango da egun berean hiru aldiz baino gehiago aparkatu.

Aparkatzeko gehienezko denbora igaro baino lehen, gidariak ibilgailua aparkaleku publikotik atera beharko du.

**5. artikulua.- Aparkatzeagatik tasak sortzea.**

Gehienezko denboran ibilgailuak aparkatzea, hiru (3) ordu, doakoa izango da.

Amorebieta-Etxanoko Udalak aparkalekuaren doako izaera aldatu eta tasa kobratzea erabakiko balu, tarifak Udalbatzako Osoko Bilkurak onartuko ditu eta dagokion Ordenantza Fiskalean jasota egongo dira.

**6. artikulua.- Aparkaleku publikoen kudeaketa eta kontrola.**

Txandakako aparkaleku publikoen kudeaketa eta kontrola matrikulak irakurriko dituen sistema baten bidez eta aparkalekura sartzeko langaren kontrolaren bidez egingo da.

Matrikula irakurtzeko sistemak denbora kontagailua piztuko du.

**7. artikulua.- Aparkatzeko gehienezko denboraren muga betetzetik salbu dauden ibilgailuak.**

Aparkatzeko gehienezko denboraren mugari dagokionez, ez dira Ordenantza honi lotuta egongo ondoko ibilgailuak:

- a) Bere kategoria edo jarduerarako Udalaren baimenarekin erreserbatutako guneetan aparkatutako ibilgailuak.
- b) Larrialdietako ibilgailuak, anbulantziak, suhiltzaileak, Gurutze Gorria, DYA eta Polizia, guzti hauek lanean ari direnean.

**8. artikulua.- Arau-haustekak.**

Ordenantza honetan ezarritakorako arau-haustetzat hartuko dira, ondokoak:

- a) Aparkatzeko gehienezko denbora gainditzea.
- b) Txandakako aparkaleku publikoan berriro aparkatzea aparkatzeko gehienezko denbora amaitu ondoren, oraindik bi ordu igaro ez direnean edota egun berean laugarrenez egiten denean.



**Amorebieta-Etxanoko Udala  
Bizkaia**

- c) Aparkaleku publikoa zabalik dagoen denbora amaitu ondoren, ibilgailua oraindik bertan aparkatuta izatea.
- d) Aparkalekuaren itxitura zabalduaraztea 22.00ak eta 07:00ak bitartean Zubiondo aparkalekuan.

**9. artikulua.- Zigor araubidea.**

Aurreko artikuluan jasotako arau-haustek ondoko isunekin zigortuko dira:

- a) letra duen arau-haustea hogeituroko (20,00 €) isunarekin, aparkatzeko gehienezko denbora igarotako orduko edo zatiko, ehun (100 €) eurora arte.
- b) letra duen arau-haustea, berrogeituroko (40,00€) euroko isunarekin.
- c) eta d) letrekin adierazitako arau-haustek ehun (100,00€) euroko isunarekin.

Arduradunak zehaztu, preskripzioa, prozedura eta zigor prozedurako gainontzeko elementuei dagokienez, Amorebieta-Etxanoko Trafikoaren udal Ordenantzak eta azaroaren 24ko 18/2009 Legeak aldatutako Trafiko, Motordun Ibilgailuen Zirkulazio eta Bide Segurtasunari buruzko Legearen Testu Artikulatua onartzen duen martxoaren 2ko 339/90 Errege Dekretu Legegilean xedatutakoa beteko da.

**10. artikulua.- Ibilgailuak ibilgetzea eta/edo ibilgailua eramatea.**

Ibilgailuak ibilgetu eta/edo eraman eta dagokion lekuan utziko dira, ondoko kasuetan:

- a) Aparkatzeko baimendutako gehienezko denbora hiru aldiz gainditzen denean (gehienez 3 orduz aparkatu daitekeen kasuan, ibilgailua bederatzi orduz baino gehiago aparkatuta dagoenean), ibilgailua eraman ahal izango da eta dagokion lekuan utzi.
- b) Ibilgailuren bat aparkatuta dagoenean, jendearentzat zabalik dagoen ordutegitik kanpo.

Ibilgailua eramatea zein udal gordailuan izateak, dagokion Ordenantza fiskalean aurreikusitako tasa sortaraziko du. Tasa hori ibilgailua hartu baino lehen ordaindu beharko da, ezar daitezkeen zigorren kaltetan gabe.

**11. artikulua.- Ibilgailuetan izandako kalteengatik edota lapurrengatik erantzukizuna.**

Amorebieta-Etxanoko Udala ez da izango aparkatuta dauden ibilgailuetan izandako kalte posibleen erantzule, ezta aparkalekuan izandako lapurreten erantzule ere.

**XEDAPEN GEHIGARRIA.-** Ordenantza honetan aurreikusita ez dagoenerako, Amorebieta-Etxanoko Trafikoko Udal Ordenantzaren eta aplikagarria den gainontzeko legerian ezarritakoa beteko da.



**Amorebieta-Etxanoko Udala**  
**Bizkaia**

**AZKEN XEDAPENA.-** Ordenantza hau Toki Araubidearen Oinarriak arautzen dituen apirilaren 2ko 7/1985 Legearen 70.2 art.an aurreikusitakoaren arabera indarrean sartuko da, behin betiko onartutako testua oso-osorik argitaratu ondoren eta aipatu lege testuaren 65.2 art.an aurreikusitako epea igaro ondoren.